

idám máyi víryam tát te prá dâsyâmí 'ti, tásmâ ukthýam  
 prá 'yachat; tásmâi dvitíyam úd ayachat, sò 'bravîn: mã  
 me prá hâr ásti vâ idám máyi víryam tát te prá dâsyâmí  
 'ti || 1 || tásmâ ukthýam evá prá 'yachat; tásmâi tritíyam  
 úd ayachat, tám víshṇur anv atishṭhata: jahí 'ti, sò 'bravîn:  
 mã me prá hâr ásti vâ idám máyi víryam tát te prá  
 dâsyâmí 'ti, tásmâ ukthýam evá prá 'yachat; tám nír-  
 -mâyam bhûtám ahan, yajnó hí tásya máyã "sîd; yád  
 ukthyo grihyáta indriyam evá || 2 || tát víryam yája-  
 mâno bhrâtrivasya vṛĩkta. indrâya tvâ bṛihád-vate  
 váyasvata<sup>1</sup> ity âhé, 'ndrâya hí sá tám prá 'yachat<sup>2</sup>.  
 tásmâi tvâ víshṇave tvé 'ty âha, yád evá víshṇur  
 anv-átishṭhata: jahí 'ti || tásmâd víshṇum anv-ābhajati<sup>3</sup>.  
 trír nír grihñāti, trír hí sá tám tásmâi prá 'yachad<sup>2</sup>. eshá  
 te yónih púnar-havir así<sup>4</sup> 'ty âha, púnah-punah || 3 ||  
 hý asmân nír-grihñāti. cākshur vâ etád yajnásyā yád  
 ukthýas, tásmâd ukthýa hutá somâ anv-āyanti<sup>3</sup>, tásmâd  
 âtmã cākshur anv eti, tásmâd ékam yántam bahávó 'nu  
 yanti, tásmâd éko bahûnãm bhadró bhavati, tásmâd éko  
 bahvír jâyã vindate. yádi kâmáyeta 'dhvaryúr: âtmãnām  
 yajna-yaçasénâ 'rpayeyam ity antarã "havaníyam || ca  
 havir-dhãnām ca tishṭhann áva nayet || 4 || âtmãnām evá  
 yajna-yaçasénâ 'rpayati; yádi kâmáyeta: yájamānam yajna-  
 -yaçasénâ 'rpayeyam ity antarã sado-havirdhâné<sup>5</sup> tishṭhann  
 áva nayed, yájamānam evá yajna-yaçasénâ 'rpayati; yádi  
 kâmáyeta: sadasyân yajna-yaçasénâ 'rpayeyam iti sáda â-  
 -lábhyã 'va nayet, sadasyân evá yajna-yaçasénâ 'rpayati || 5 ||  
 ítí, 'ndriyam evá, púnah-punar, nayet, tráyastriçac ca || 1 ||

1. <sup>1</sup> ohne avagraha.2. <sup>2</sup> obschon betont, doch nach CD mit pra nicht componirt.3. <sup>3</sup> als Compositum.4. <sup>4</sup> diese Worte fehlen I, 4, 12, 1.5. <sup>5</sup> s. P. 4, 11.